



濟北晁先生鷄肋集卷第二

七言絕句

東臯十首

屋名盡掛陶家榜人物應慙菊畔身
解作文章肯歸去不應陶後說無人

郭外朝陽一卷斜青槐聽事帶丘麻
路逢扶轡渡童問不是城東大尉家

小閭高原最上頭下床莫遣計公差
如今老龍欄邊意不是元龍百尺樓



壁間取好營丘筆卧看三峯憶舊過夢入幽
林小溪去絕勝千騎到南柯

新植青桐小逕成兩行萱草一時榮春風百
卉芳菲盡長夏幽花却稱情

登：策：不須呼時動圓荷觸短蒲五步濠
梁亦堪樂相忘何必是江湖

四海萍蓬兩弟兄百年膠漆幾張陳紅塵陌
上相逢子華髮林間偶坐身屬無數

尺五城南未足高只今小杜更飄飄暮煙疎

雨從君勝王子文秋聽我饒屬天達

李君禪味詩清裡解作黃金才潤身日斷白
衣擔酒闌何妨聊破一爐春屬子宜

城市何妨亦隱淪賈君無意向紅塵東臯氏
豆如雲處慙我幽棲不下鄰屬煥叔

即事

半刺還為權刺史朝衙不坐鈴齋按頭通
事通何事昨夜東園芍藥開

望金陵

龍盤虎踞望南津餘烈崢嶸尚霸陳醉着不知風揭屋可能揚素是江神

金陵南數十里江心烈山崢然特起金山也家人云安得隱于此作一絕山如浮玉一峯立江似海門千頃開我欲此中成小隱莫教山脚有船來

采石李白墓

客星一點太微傍談笑青蠅玉失光載酒五湖狂到死只今天地不能藏

宿采山追懷沈丘叔伺應詔渡此今二十七年矣而叔父謝世補之方遠適泣涕成篇

二十七年
前應詔黃昏同上木欄舟江山依舊人琴寂白首南遷淚逆流

過銅陵南望一山高出雲上奇秀可駭余未嘗至江南遽曰此九華也問之言是

雲端忽露碧孱顏如髻如簪縹緲間驚駭舟

中齊舉首不言知是九華山

連日順風

昔日肩吾上國行魚龍黑浪自堪驚我今顛
韜西風穩却是江神不世情

晚口遭風

歛起驚濤湫去程扁舟三日滯長汀無心坐

使群鷗舞莽取吾知未可乘

莊周云
鳥出六

乘莽取之
合之外

馬當風濤中

從祖昔為州別駕上書嘗欲徑擬陽乘危更

覺思遺跡慙愧篙師戒馬當

大風過彭浪磯

山東江窮方崒起江盤山過脚重回無風此

水常呼洩正用風狂水閉來

題彭郎小姑祠

山與磯名從地志姑蘇郎號出江民世間稱
謂無真實聞說雙祠自有神

江心望彭澤作

青山缺處大江奔江口山顏見縣門一世定

無紆轡處故應來此着琴樽

過分江口

不行盆口更湖口明日廬山自此過猶恨西
江不窮覽沅湘聞道亦無波

湖口

彭蠡宮亭浸全楚號呼噴吐出喉中此間曠
蕩無窮水何處還容地大風

大孤祠

江吞湖卷氣俱豪崛起孤峰百仞高歸為婢

娟買絲履却應還我所忘刀

題廬山

南康南麓江州北五百僧房綴密脾盡是廬
山佳絕處不知何處合題詩

開先寺前望瀑布

白虹晝下崑崙頂半入青林久不回下洞水
輪穿地底水崖吼怒却重来

栖賢寺三峽橋

絕壁秋標天外劍深溪冬吼地中雷上宮未

信無人到朱閣飛從頂上來

舊說廬山有紫芝田百畝人莫得見
偶於開先栖賢林中步兩日各得一
枝正紫如玉戲成一首

千古芝田人不到深林繼日拾瓊瑰從今為
記晁夫子曾到芝田百畝來

宮亭神甚靈云有婢名如願以借客
有所求叩如願即獲神又能於湖心
分風使上下各得順風故劉剛詩云

回舫乘汎水舉棹逐分風

同舟自古無湖越南北東西路不同不問宮
亭借如願只求四面與分風

彥魯山通字號卷余擢為開封第三
用彥魯韻

寂寞醒誰得知萬重故帟壓湏弥不緣饒
古豐千道拾得山間底小兒

孔雀院後蒙泉

簷頭山作屏當砌石眼泉為鏡照憲戒亦困

蒙如可擊此泉從戶到西江

貴溪徐氏招隱園昔王表避亂居此
山依之者數十家其詩云道遙入南
斗者也

鬼谷西來一丈清三山箕拱慰高情時平尚
欲依王表南斗道遙畢此生

遇赦北歸

山猶故險水猶奔魚復前年濺淚痕自是人
心隨鏡別櫓聲帆色盡君恩

移竿山五杉歸植里第

一丘一壑感歸心過盡青山幾茂林自載五
杉如碧鳳欲看春雨舞庭陰

皖口寄懷前太平守陳公度龍舒人

常愛東陵早拂衣我行曾不叩荆扉憑君天
柱峯頭望着我扁舟幾日歸

鍾山有石故名

江上秋濤噴玉巖風鏤月鍊白雲絨為君一
叩無人境要聽洪鐘出萬杉

初上安仁灘清見毛髮其中奇石五色可掇拾也從縣令借圖經溪曰雲

錦溪村曰玉石村

行盡江南最遠山却尋千越上清灘秋晴雲錦溪中過玉石瑰奇一萬般

弋陽道中

千日千程不厭行一丘一壑可憐生常憂束縛名韉死聞健尋山却稱情

齊山怪石森聳其西峯曰小九華

山上有山俱巖嵒谷中通谷更哈呀借君筇杖寄奇嶮直至西峯小九華

次韻無極以道寄金山寺佛鑑五絕

埋頭塵土欲忘年重過初禪第一天唯有兒童見河性不將老面共蒼然

不應無手是無拳且看毛端現四天似向吾家得消息鼓山餘響尚轟然

鷺子猶應昧此緣室中那有久如天饒師擲過三千界浮玉西津故儼然

無極世緣如嚼蠟人言常住夜摩天此卽文學無生忍此事吾知否不然
鼓角聲中特地傳只今鼻孔已撩天不應常作裴休諾揜口何妨也默然

清口懷應書時雪中舟行

蚤歲單舟此水濱雪花都蔽引舟人重來五馬真何事笑雪空成鬢上春

舟中卽事

終日平沙望渺漭青林何許近漁磯波側

岸深蒲靡一點穿人翠碧飛

魚溝遇大人

沙行水宿幾江南石閉龍求久已諳秋水故應旋面目順流東望為君慙

祝家墩阻水旦起舟人云天上風花

順哭作一絕

依、生馬辨平沙三日扁舟近祝家明日揚帆應復駛蒸雲散亂作風花

懷緡居

自種獲桐已四年秋來斃歎小籬穿上床不
怕陳登歎我欲歸來許泥田

欲求閑局理舊學作

莫求致仕且分司此等劉伶笑婦兒投老寸
陰如寸玉從君了事只名癡
故園歷歷眼中分非禹誰教不入門何處功
名有成遂玉初不獻足猶存

初望廬山

休說江南青未了一庵一徑可容身宦程正

近西風急未是廬山好足人

由開先萬杉栖賢羅漢人城南康守

六惜君未至紫霄峯也因以此答

南康南麓江州北五百伽藍似密脾萬室千
門俱面勢不應獨是紫霄奇

望香爐峯

危樓曲徑群巖遍蠟屐青鞋到處逢更上五
峯凌劍表香爐依舊半天中

題周廉彥所收李甲畫三首

上林花妥逐鶯飛，愁作江南雪裏時。
嘆喑何須旁簷喜，迢迢相對雨寒枝。

右鵲

網羅無限稻梁微，憐尔冥冥亦庶幾。
戲鴨眠鳧滿中江，衡陽無意更南飛。

右鴈

急風吹雪滿汀洲，迎臘淮南憶倦游。
小鴨枯荷野艇冷，去年今日凍高郵。

右鴨

松菊堂讀史五首

不作文饒將相，官野人亦星。黨人間，籌邊措
國俱無用，空對平泉草木閑。

吾慕斯人不以官，會昌一夢中興間。何須更
作窮愁誌，秋雨長時睡正閑。

明光甲挫三言內，悉怛謀虧一笑間。成敗閑
心不瞑目，我今無此只應閑。

平生精爽鼻夔內，一世功名貝錦間。再夢令
狐亦何事，可能到死未心閑。

當年伏地全揚李公亦何知愛惡間千古論
心許公近百年歸意與誰閑

仲光寄紵袍

手裁白紵製新袍擯鼻應憐犬子勞倚仗衡
門聊服此良人身不屬臨洮

寄家人

孟光家世自清芬鴻亦幽情慕隴雲汲水挽
車歸去好茯苓日長松根
濟北晁先生鷄肋集卷第二十一

濟北晁先生鷄肋集卷第二十二

七言絕句

子固席上雪詩芟字

新霜一夜草如芟午酌臨軒雪點衫不怕夷
門清著骨故教詩句聳嶮巖

泊州山陽偶題

五歲淮山一夢新扁舟曾繫市橋春津亭石
磴溼垂柳見我依似故人

及第後將謁告先歸留贈成甫

還家消息約薔薇
眼見薔薇日
稀不踏龍頭
遊碧落君恩許
伴晚鶯歸

貴溪在信州城南
其水西流七百里
入江

玉山東去不通舟
萬壑千巖隘上遊
應會逐臣西望意
故教溪水只西流

出遊龍虎山舟中望仙巖
壁立千仞者不可上
其高處穴中往
如困倉棺槨云
蓋仙人所居也
余意大水人

宅山上所作

稽天巨浸洗南荒
尚有千峯骨立彊
民未降丘應宅此
舉頭天壁有困倉

泊思禪寺呈廖明略
其地蓋千越寺在
琵琶洲上

遲君千越思禪寺
彌月忘歸住翠嵐
忽見琵琶洲上月
始驚全室在天南

和雒酒十二弟見降
羗赴闕

二鳥蒙恩豈有知
車書混一是昌期
知君不

化伊川祭若倚門牆恐見麾

和洛筍小蕪

叔夜青山肯長往不應石髓化山堅君會籜
龍纔小蕪恐君心未老伊川

叔與戲云謂我窮哉嘗傷食從而嘲
之

羊踏骨中昨夜蔬不應捫腹怪如壺婦家得
舖猶湏忍莫索擯柳笑爾臞

將別歷下二首

未見紅蕖隘渚香歸塗未變柳稍黃殷勤酌
突溪中水相送扁舟向汶陽
鴛鴦鷺鷥繞漁梁搖漾山光與水光不管使
君征棹遠依然飛下舊池塘

將行陪二車觀燈

行歌紅粉滿城歡猶作常時五馬看忽意使
君身是客一時揮淚逐金鞍

安陶舟中

繚繞春堤去欲窮參差煙塢到還通依々潤

柳侵晨雨細：吹花傍午風

東溪村與無斁

十年投分皆鄉相四海論心只弟兄老憶躬
耕困隨牒春風掉淚粟區村

與子真諸人飲求仁不與作怨詩因

戲荅

結習徐看蕩劫灰天花從自落空塔似聞滿
室唯澄水投磔何因出定來

題穀熟驛舍二首

驛後新籬接短牆枯荷衰柳小池塘倦游對
此忘行路徙倚軒窗看夕陽
一官南北鬢將華數畝荒池淨水花掃地開
憲置書几此生隨處便為家

送永嘉君回至鹿邑東門外作

冬温榆柳未全彫黃蝶飛：綴野蒿華髮不
堪悲世故斜川歸興滿東臯

謫宋徙亳初聞周璠琵琶

寒園潦慄檜廳寒醉倚琵琶倒鶻冠不似江

州曰司馬只成幽怨不成歡

題伯時畫

單于射獲明妃笑勸酌蒲萄跪小胡不恨別
宮昆莫老應憐超乘子南夫

虹縣逢無數二首 自玉山歸

清河慘執汴河逢萬里悲歡一夢中不作常
情問京雒魚山好在園松

千載昌期尚此逢詢謀多在布帛中南歸已

後鍾山集猶憶君王代塵松 鄭訖對陳主鍾
山陳主與松枝

令代
塵尾

省曹夢游山云無數

萬里歸來兄弟樂百年多病并廬思如何騎
馬穿靴地只夢登山著屐時

東坡公以種松法授都梁杜子師并
為作詩子師求余同賦

不學栽橙業種松未慙履稀笑屠龍許君盡
得東坡術已與先生一事同

長錐散子巖：遍短竹扶條歲：添待得烹

茶有松葉不應更課木奴鱸

佩午未敢邀君出射虎何當許我從要看堂
堂冠劔叟蒼然十萬甲天中

自畫山水留春堂大屏題其上

胞中正可吞雲夢盃裏何妨對聖賢有意清

秋一作扶節

入衡霍為君

一作毛錐無盡寫江天

自畫山水寄正受題其上

虎觀它年青汗手白頭田畝未能閑自嫌麥
隴無佳思戲作南齊百里山

次韻芸叟文潛體之觀音院題名

壁上棲鴉粉剝紅萍游魚定得風同故人妙

墨何人識文豹依霧雨中

贈許體之

樓下無心卧許公求田已約暮年同詩來正
值花如雪心事春風浩蕩中

呈毅父提刑

不酌公榮有意我可能元亮壯公儕但讀離
騷政湏酒不應湏為菊花來

十月九日初謁衛真太清宮二首

虛庭下拜初形肅秘殿瞻容更魄驚何必囊
函窺至妙始知塵垢負平生

帷間角塵千年白庭下髯鬚一點青當日泉
雲無馬跡只今遺木盡龍形

寄李成季

聞驅傳節向秦關何日重來玉笋班猶勝譙
都拙司馬若無官况不教閑
累得周同年鏤書

譙都司馬拙依然翻手為雲絕可憐唯有鳳
翔周錄事手書連月寄同年

譙都對酒憶玉函山

齊州西樓對此山

不遣西樓對玉函宋譙頗綴副車衡今年重
汙花前酒猶是揚州別駕衫

題段吉先小景三首

慘澹天雲欲雨低秋山人靜鳥聲稀似聞谷
響飛黃葉恐有孫登半嶺歸

人生何事踏塵埃閑處袍襟足自閑不作終

南養高價小山幽桂好歸來
碧天無際日悠悠風靜沙平不見洲
彭浪磯邊亦如此危峯獨木繫扁舟

綴古詩懷家

二月已破三月來蝴蝶忽然滿
芳草正是歸時君不歸及至君來
花又少

題僧曇秀鍾山雜詠二十首後

明珠出袖四百琲坐有煙霞草木香
斷取鍾山擎右掌那知不下淨名床

赴齊道中

淮南蒙召鬢毛班乞得東秦慰病顏
曉整輕鞍汶陽止却衝微雨看青山

題袁耕道所收小飛來

藏山常恐負而走壺中九華安在哉
憶似冷泉亭畔見為君題作小飛來

讀蔣相如傳贈李甥師蔣

蚩：六國共憂秦獨有相如智不群
完璧東何足道竅賢能下怒將軍

濟北晁先生鷄肋集卷第二十二

濟北晁先生鷄肋集卷第二十三

挽辭

欽聖皇后挽辭二首

神開大馬表坤祺象配黃龍耀母儀
躋棘從權非本意憂勤復辟竟先期
欲書皇極彞倫事不在閑睢卷耳詩
陵作因山名改聖君王仁孝自生知

蒼黃大東中先定洵涌姦言外獨驚
可但觸山憂地圻只應鍊石見天成
江湖自昔波濤



遠日月如今晝夜明
盡作兒啼送文母
不知簫鼓若為聲

欽慈皇后挽詞二首

仙馭飄飄不可尋
西陵寶冊綈衣衾
禮遵章懿因仁志
謚酌欽慈自聖心
感泣萬人隨遣奠
恩勤千古詠徽音
一言能使民忠勸
要識吾君孝治深

予羈紲年事炳靈紅
光滿室衆潛驚人言
薄氏誠君子天與文
皇兆大橫聖有至情
風不止邦傳慶作日
重明百神陪扈朝陵
寢想像登輿動珮聲

王拱辰太尉挽辭二首

賈山辭賦妙升堂
十八高名擅維陽
遭主聖人千載事
濟時賢獻萬夫望
已加壇上將軍鉞
未促齊中相國裝
曾有新詩介眉壽
悲歌可忍送歸牆

童年已切耆英慕
壯歲初陪後乘遊
衛幕橐弓皆廣建
梁筵進牘並枚鄒
雲臺生面丹青

古馬鬣新封草木秋是事公應付蜩甲蒼霞
誰見揖浮丘

趙開祖挽歌辭

萬里歸來兩鬢霜故人如玉閨幽堂淒涼長
吉無題句冥默淮南未試方空復藏書如冊
府何由載酒更僧坊諸郎文字能傳業開府
風流未渠央

蔡州叔父金部挽歌辭五首

文詞蚤歲諸儒上操行當朝國士期清世急
賢千載事白頭齋志一州麾
省中共幙青綾出閩內同驅五馬行何許書
來一千里西風淮上淚縱橫

青史他年羨二疎功成脫屣向迷塗薄遊竟
後拋官約常愧都門長大夫

聞道一廛親卜築亦求百畝伴鋤犁那知湖
海歸來日只及鄉閭會葬時

並直儀曹前後廳當簷種竹已青
平生不
識南宮筆可恐圖公地下銘

蔡州叔父金部挽辭別二首

書來猶勸還鄉早
路梗誰令去掉遲
曾綴鏘金拜先壘
可堪叔衽送靈輜

學止我公常恐後
身於餘子似蒙知
心驚並直儀
夜淚盡孤吟海浦時

秦國夫人挽詞安門下母二首

瓜瓞傳仙裔
鳴鳩媿積功
龍章看子貴
鶴髮與夫同
榆翟丹青裏
珠襦鼓吹中
秋原送車淚
斜日起西風

城南塞冠蓋
衰挽送何人
吉卜郊連浚
恩封國號秦
柏碑空復古
蒿里不知春
應奪居廬念
朝廷佇弼臣

秦國夫人挽辭三首

指李仙源後
興唐帝冒餘
家傳湖北句
人誦嶺南書
知子唯賓客
揚名屬起居
平生操史筆
遺事一款歎

相國家風獨
夫人壺範如
寶珎宜服象
文錦合軒魚
感慨溫成議
光華慶壽餘
非夫聞教

退應愧此生虛

酷好春秋學親書列女篇胡兒吟敢並逸少
字方傳餘事猶闡範高材自世賢凱風君莫
誦秋栢已成阡

任承制挽辭劉校勘槩求作

生業清談外浮名痛飲餘誰令力如虎坐使
食無魚壁冷猶鳴劍床空未卷書呻吟待河
潤秋栢只遺墟

濟北晁先生鷄肋集卷第二十三

濟北晁先生鷄肋集卷第二十四

上皇帝論北事書

臣晁補之謹齋戒擇日昧死上書

皇帝陛下臣窮年抱經志願局促綠衣紵絮
多學無益竊甘野人自曝之溫輒昧廣廈重
裘之煥退無尸祝尊俎之位進干庖人操刀
之職不計僭越冒言天下之事陛下赦其
狂瞽而矜其市井草莽有介然之心一賜察
省天下幸甚天下之治莫大於制禮作樂而

臣之愚以謂二事有在於施設之後者其所
先舉者以定天下晏然則禮不制而備樂不
作而洽凡此所缺持北胡一事而已臣思之
至深以謂陛下神道設教紀綱既正天下
大定燕居而高拱百工安職四民樂業矣而
不能無一朝之事或經聖慮者庶幾在此迺
臣之狂瞽而深思所志有取萬一則臣區
窮年抱經志願局促猶不為綠衣紵絮多學
無益夫豈惟天下幸甚之臣師教臣亦若此
也北胡猖狂敢冒故疆使天下百年有為兵
不得藏今四野肅清邊不告遽而縉紳先生
四方寒士或北首憤排爭道利害者非願於
太平無為之時生事覓功特以中國之地前
王之舊有未復而已獻言陳計者踵相接於
國陛下優而容之如假種借耕久貸不償
亦不以券責豈非周慎再思萬舉萬全以謂
將欲取之必固予之不欲以所重試所輕哉
內治未具不遑外憂心腹既寧手足當治以

今準昔利此時置而不念何以異夫宿雨坳
池科斗所泳不以時去設不害事而鼃鼃日
喧乃臣之所願為

陛下深恩者特

曰以中國之師責中國之地得地而師解不
為無名如此而已陛下知兵之道愈於黃帝
復古之功過於宣王披圖在目長想遠慮則
窮髮龍堆螻蟻藏情不持前著而臣私憂過
計竊不自揆忘已之愚不敢膠柱鼓瑟御馬
以書陛下一發天光使得竭忠則言而有罪

非臣所敢避也夫北胡之盛莫盛漢唐而所
以制胡亦唐漢為得三王以前事則經見戰
國之際人自為防徧舉悉數則孰與四庫之
書終始為備百執之謀同異致詳故臣輒皆
置而不論漢唐之所以制其疆者其疆可
制則方其弱時不論可知漢病匈奴唐病突
厥至於畿內鳴鏑渭橋按轡後宮辱於檀裘
宗室降於絕域其形如此之逼也然而列五
單于滅兩突厥擒回紇制延陀漢南塞北皆

漢之賦盧龍松漢皆唐之府臣深思至此而
然後知胡北之盛雖莫盛漢唐而所以制胡
亦漢唐為得也冒頓烏維力足以獎漢而
武帝雄才數戰不倦包奴絕幕自以漢不能
至而漢率二三歲一出或二十里不見一人
故匈奴至於孳重墮殞罷極若之夫搏鼠當
庭善遁易失灌垣燠穴則生無聊賴故欲
戰在我則不欲戰在敵此其情自昔然也韻
利突利進如颶風而太宗知兵善戰虜在其
術中而不悟兩陣馳語二主坐攜六騎臨水
群酋奪魄靈朔之境曰我將滅之命有司更
所與書為詔若勅思摩孱懦至感恩流涕願
為一犬守吐北門蓋五十年無突厥患臣嘗
壯二主以謂得一時之權置三主之事則漢
唐之事猶在中策何遽無策乎今臣又計之
耶律雖桀驁其疆亦未有以過匈奴突厥者
陛下神武不殺高越前世制之得術可使統
指惟上之命何至越百餘年而不暇營哉臣

請為 陛下言契丹可取之形五古者北胡
無大君長種落部族不相統攝粹搏鬪擊疆
者為制往 而聚者百有餘戎勝不相推敗
不相愛尺地一民不自保而有也無城郭邑
居故其民遷徙難制無耕田作業故其人食
是不勞無文書約束故其人一而易使無營
陣行伍故其人戰自趨利彼以其智力之全
不治四者而一之於鞍馬射獵中國亦以其
智力雜治四者日夜不息而以應戎狄之至
閑故其自視常以無法勝中國利則烏合謀
而從又不利則雲散四去欲追無所自冒頓
盡有北垂之地胡人始不安其舊而有侈心
尺地一民皆欲保而有之不能去也其後衛
律教單于穿井築城治樓以藏粟或者以謂
胡不能守降及唐世尤以合中國之好為重
至佩印綬服爵命廢一置一皆決於朝廷亡
虜之在中國者或樂而忘歸胡人自是益雜
中國之俗乃臣以今料之則盧龍范陽中國

故地又非特如此而已城郭邑君耕田作業
文書約束營陣行伍四者皆因漢俗而胡無
一焉雜處而交治欲其昏而胡不知疆勉之
難堪此其可取之形一也冒頓烏維伊種皆
席匈奴之始疆能以其力為中國患武帝中
年力盡於北胡而朔方之患無歲無之然匈
奴卒不能踰塞而南以有漢尺寸之地而陰
山草木茂盛單于之所依阻者漢輒奪焉匈
奴失陰山之後過之未嘗不哭也
諷利突利

延陀之兵皆號精悍數入寇唐一旦至渭上
薄畿內唐亦以其南征北伐之餘力完不弊
日削月剝至奪之地而隸都護府不敢輒怨
蓋未有坦然肆志窟宅中國之地藏獲諸夏
之民如耶律之侈者臣嘗計之其君亦非有
冒頓諷利等輩沉毅雄勇之姿阿保護特有
天命而德光之暴以謂晉之立自我晉亦不
勝其德而屈之驕子不制日益侈大割地弗
厭至踐中國此如黔中之驢土所不產方其

一鳴虎為遠遁而其枝止此亦足悲也夫人
之情勝則驕：則不自彊乘秋未霜則水濱
之腐草猶足以爭明於陰夜天寒既至萬物
將肅則莫或使之一夕而零其理然也璟與
明與賢皆柔儒不事：陰緒稱多謀不能復
振焉宗真好樂兩母爭權至內相殘當是時
皆有可乘之隙而中國不取迄於今四十年
彼其君苟非有過人才之臣知今日之治與
璟明宗真未大異也夫知敵之主知敵之將
則每戰不殆彼曲我直我整彼亂此其可取
之形二也石氏之割地當其需人之力制命
在外無以異於晉惠公河外之列城買人而
已無積仁累義之資一朝而有天下舉天下
之大德：然恐其不能守何暇重割地哉窮
室之人驟獲千金不能經營販夫孺子皆得
以起而制其弊富家巨室力足以仁其四鄰
則四隣之外所衣食者猶我有也尚誰得
而畜之哉石氏既亡京師不守中國為之一

虛當時人君內憂其服心水病其四隣中國
狼顧自救之不暇故胡人得以竊計其不及
圖已而跳踉虛喝求以堅中國不動之心至
至於柴周天下小定以其享國之日淺乃能
用一朝之議一戰而勝以復三開由是言之胡
雖疆中國雖積襄之緒猶足以勝之况治朝
哉耶律明時胡已浸盛柴周之取三開蓋人
有告之者曰此本僕地何惜之有然則彼其
平居驚然不顧跳踉虛喝豈固敢吞其非已

有之分為所常守之資哉求以堅中國不動
之心而已今國家百年太平而 陛下神
武不殺高越前古心有所懷感動萬里柴周
叔世臣豈敢議然以今天下言之運偶 聖
人時在千一富萬柴周力萬柴周將賢則萬
柴周士勇則萬柴周斷而必行鬼神且避以
懾小寇勢易破竹此其可取之形三也
太祖龍興不折一矢不馳一馬而有天下天
下稽顙而稱臣五國委命而下吏憂商之興

莫若此之捷也當是時舉中國之兵十二萬而已太宗皇帝繼以神武之資經營四方至於大定并汾之討師久於外雖迄奏功然倉廩之美士卒之銳殫憊於河東太宗為社稷長慮慨然太息有恢復心士不弛弓馬不解勒倍道兼行越數百里一日出塞金鼓之聲如在天上虜不素備而燕城遂圍分軍收城所向輒靡天下以謂遂無胡矣幽燕之人老弱登埤而望乘輿無意復戰虜之計自謂力不足抗乃為先聲張言兵至踞五十萬太宗重愛民命不肯以力服虜欲退修德以懷之而師久翱翔士馬南首亦有怠意幾舉而捨燕既釋圍諸將所下輒復為胡蓋臣聞之城中有謀執其帥而降者王師既還莫不法下雖然胡人自是始有凝中國之心四方已定中國厭兵景德之役乘中國不虞大舉來冠章聖北巡天意助順曠弩竊發遂隕達覽虜相顧自失屈首請命亦無復

鬪志當時之議以謂乘勝席卷西翼遮前大
軍從後可使無遺噍而天子嘉其既服亦
棄不戮虜始痛自懲艾以謂中國不可得而
侮也夫太宗以收并汾之餘力計議無素
倉卒北狩然而一舉幾復章聖以寇出不虞
至犯輔郡出師逆擊然而一戰遂却况今
陛下席祖宗積累之舊虜不加疆而中國
之盛則倍前日肉食之謀葛荒之言垂數十
年已審已備計成而動何慮不獲其此可取

之形四也太祖神武有希世之謀御將訓
兵臨機料敵出人意表舉天下之衆宰制役
使如視嬰兒嘗謂胡人之衆不過二十萬吾
以十縑購一胡二百萬縑足矣以太祖神
武左右之將不滅衛霍滅越滅吳滅江南滅
蜀滅河東天下已安四方之金帛充於內府
士卒平居無事奕博超距志意無所騁當是
時中國特不舉設有為虜孰能禦之者天下
百年無水旱兵革法度致脩人物阜安以三

十年之通制國用山積水委漢唐所無則成
太祖之志臣以謂固在於今日 陛下建學
設科使為士者知兵須教立法使為兵者知
戰十有餘年墮慢疲軟之氣既復極矣而堅
甲利兵羨於四邊偏州小戍不移而其臣竊
以北道三數者言之通都要路一庫之藏足
以衣被十萬况濟之以大司馬之備也驃騎
西征編師南略河隍六城交州九郡歸命內
附而飛輓之煩不及於邊民此其善古未有

也舉事動衆宜百日之費者今千日之費不
憂乏宜百金之賞者今千金之賞不憂匱蓋
非徒以厚費重賞為得也要以為前世之所
不為者知今日之能為之而已順流建瓴如
風靡草以臨不加疆之虜此其可取之形五
也兵法曰形兵之極 陛下亦既知形則不
圖而何待臣請為 陛下言所以入胡之策
夫欲興大事所病者兵不衆食不充天下之
言者必曰舉二十萬衆度百日糧鳴鼓而攻

之以臨不加疆之虜如孟賁之戰嬰兒何往
而不可入而臣獨計以謂非勝之難所以入
虜者實難以樊噲之驍悍自意得十萬之衆
足以橫行於匈奴而或者曰樊噲可斬夫使
好奇之人不度是非不量利害高論而慷慨
其言固甚可喜然空語無施於實事則

陛下尚誰取之今臣則不然舉二十萬衆度
百日糧非三年經營之不可借使以國家
之盛一朝而可集術枚縛馬口千里奄至雖

計甚秘而人固有知之者矣繇十許州塘水
之浸以彼入非易故戎入亦難阻塞而陣燕
亦起而拒白溝之南兵雖衆食雖充非勝不
能入也臣請為陛下效臣之狂計蓋昔者

尉陀畔越漢岳出豫章出會稽而唐家獨上
書蕞巴蜀罪人下牂牁以出越人不意卒擒
尉陀蜀姜維拒劔閣鄧艾乃潛自陰平馳無
人之地七百里卒降劉禪兩人者若校之以
事而索其情則皆近乎不知遷直之計而臣

則以謂論越與蜀者不如是則不可得而入
今虜之勢亦何以異此臣請先為樓舡百艘
精甲萬人浮膠東待渤海而忽蕞使天軍出
於次王畿聲言以十萬出瓦橋瓦橋敵所備
出亦此入亦此在兵法則所謂以正合者也
潛軍其東以五萬則自滄趨平州同時而偕
蕞潛軍其西以五萬則自代趨雲州同時而
偕蕞平雲非敵之所素備則滄代之兵宜易
入兩翼偕縱則燕之東西可擾矣東軍入平
州戰且誘以稍西行附於瓦橋之大軍西軍
入雲州戰且畧翱翔乎蔚朔之間而東以牽
制敵勢敵必分軍以禦雲州然後瓦橋之大軍
與東軍合勢而偕入則涿州新城不戰而可
救東軍既棄平州平州備必懈然後渤海之
精甲可以乘閑入平州平州下則營并舉矣
乃間使渤海之師通高麗曰中國責故地高
麗宜以爾兵從而析渤海之精甲三千背道
絕險以徑中京之南繚古北之後奪閑而守

之謹守勿戰虜狼顧自救然後雲州之西
軍鼓而東以取易州而與大軍合吾兵益
張乃稍乘勝逐北則燕城可圍矣度燕城之
大二十七里而止一人而守地六尺三圍之
則滿卒三萬守地無餘以二十萬衆頓燕南
攻而圍之若適三萬則是野戰以拒虜之大
軍者猶十七萬也度虜之大軍亦不過二十萬
盡燕城之大而以五萬人實之不能容矣虜
之名統軍在燕城者其所護契丹奚渤海兵

馬數才滿三萬而其曰侍衛在燕城者騎一
萬步一萬而止借使臣所聞未實虜能益之
度燕城之大不過容五萬則既勃蹊矣而大
軍相持倉囊未決其勢不相救以三萬銳師
濟以臨衝雲梯之械并力而急攻間使張良
陳平不愛千金從反間以啗城中臣虜之子
孫能以禍福諭其衆使內附者許以封侯萬
戶之賞彼其在虜或身居將相而服衣食
飲不免於輿阜之賤一聞德音宜有發

憤內應如望并汾之師者一人有心則舉燕
城之內其勢搖矣燕城可圖則山前後之地
雖未盡復可徐致也臣又率臣之意料之使
虜能出上策中國之師始動虜無空國逆戰
亦以二十萬拒大軍而更練奇兵間道它徑
反乘我隙我大軍遠戍深討而虜兵出於不
意釋燕而自圖則前功一蕪而盡廢欲勿釋
耶而自治未可安能治人然而舉塞上十許
州言之大軍出危橋矣又五萬出滄五萬出
代虜亦以其軍三折之而應我滄翼其石而
霸與信安保定介其間使堅壁勿戰則虜雖
出奇兵亦必不能入霸入信安入保定代翼
其左而保與廣信安肅介其間使堅壁勿戰
則虜雖能出奇兵亦必不能入保入廣信入
安肅何則吾為之守者素也置是數者自渤
海之東言之操舟於水固非虜之所宜便而
其所不當忽萬一可慮意者其西北之疆乎
昔唐安祿山以范陽亂稱兵道胡中犯京兆

不期月耳臣嘗考之圖志則祿山所行自燕而西其跡具存不可不察也國家方恢復河湟全秦之力河湟之所仰或者思患而豫防之益全秦之地以待虜之出於不意如此而已臣又率臣之意料之今單于之才不聞其沈毅雄勇敢為難制如冒頓烏維頡利突利等輩比者其左右賢王谷蠡亦非有如張說所稱闕特勒曷欲谷之徒起卓過人之才帖帖然慕中國學文字工語言是口尚乳臭安

知出上策虜計出於數者而皆不能遂則臣之所料不過舉國興師烏合蟻聚而已使虜先能扼古北口而守之渤海之舟師無以伺其利則我東君扼彌老符家私亭口之右以西軍扼挑峪紫荊金坡口之左使其東西不能出奇而後大軍鼓行而陣以挑其南虜進不能拒退無所逃不力戰求勝則必有內顧自保之心此在兵法所謂窮寇臣請勿薄勿逼緩而持之置曹王居庸等關而無奪以

開其生路戒亦視白溝之南塘水之浸所從
歸者狹何以異於淮陰泝水之傳食東西與
北三面薄阻而背阻塘水則士卒無所往其
心宜固當是時 陛下得人如韓信使乘其
會則攘而扼之於井陘莫利乎此顧為
陛下將者如何耳臨衝雲梯器械致脩士力
致完以中國之善攻而加不能善守之虜則
二十七里之城而已何為而不下燕城下空
其積以賞戰士以臣度之三年可以無飛輓

自京東西與河朔之列郡更輦緡穀以實之
臨以重臣列亭障於外燕可守也

陛下以河湟六城之富孰與全燕河湟遼遠
城中素空匱中國且能保而實之則全燕之
富其易守可知也惟具城郭邑居耕田作業
文書約束營陣行伍無 不出中國之舊今
以中國之法守之其民宜易安燕城既守則
九石氏之故地猶不盡舉者未之有也雖然
臣猶有說者則在乎先勝而後戰夫入人之

地欲其不迷不可以不知地索人之情欲其
不匿不可以不明間地可知間可明而軍無
選鋒則兵不可以交有選鋒而不較長短不
合外助則雖多猶寡也臣請為 陛下言所
以必勝之道 陛下誠得數十將用之則何
患夫四五者為今之慮士已知兵、已知戰
而臣獨過計以謂今選於班列以將名官者
患未試而已夫將欲與大事不可以無重臣
重臣君所信功業已試可使士卒素附可
使四夷知畏可使位重德亦重可使權重
威亦重可使舉一軍二十萬之衆而臣重得
其人軍之命定矣千夫長萬夫長才各不同
則舉二十萬之軍大吏偏裨二百人而後可
也夫安能皆得重臣者而使之將委之有司
之選耶則天下必有蕭何之至明然後可以
知韓信之試不然則趙括之易言不窮天下
幾何其不以言而信之人之才有不能治一
妻一妾者有不能耘三畝之宅者持籌挾筭

擐甲百萬守地千里脩然不勞乎其間忘昔
之短也平居自喜祖揚而按劍志如飄風而
聞金鼓之聲失氣而死此人之情也然則將
其可以不試哉天下之言兵曰微妙者祖孫
吳然臣以謂是何以異於宋人之遺券密數
其齒而曰吾富可待豈不誤哉

陛下知人能哲興大事選大將師既已得其
人矣凡此臣不敢議然臣以謂舉二十萬衆
而為之吏者二百人所試在此而已子文之

治兵終朝而罷不戮一人子玉之治兵終
日而罷鞭七人貫三人耳然而君子與子文
李廣之行軍逐水草不擊刁斗程不識之行
軍嚴斥候擊刁斗自衛然而士卒樂李廣將
之才固不可而一也孫武之試於吳也以婦
人孫臏之試於齊也以上中下馬用之於婦
人用之於馳馬非將之常也兩人者唯其無
所不可用以成功故卒之武能將吳以入郢
臏能將齊以却魏豈不用其試哉驪山之閱

天下擐戎服以令賢如郭元振幾以失軍容而誅而薛訥解琬乃獨有不動之軍教使然也今天下之吏以將名官握兵柄習軍事者環列於輔郡迨數十人平居無事大車駟馬洋洋乎國中與之言兵而不能者幾人若此臣豈敢以為遂乏才哉凡所以必待試而後可用者特不敢以能之於平居無事而信其用之於倉卒擾攘也 陛下知人則哲能官人用人之仁去其貧用人之勇去其暴用人

人之智去其詐皆得其所以用則向之四玉者凡可以委之夫將而已以二十萬之軍度百日而後罷廝役在焉人日糈二升則率兩日而食非萬石不可百日則百萬千日則千萬邊儲不足以給則不可不權而入之於民今天下之買爵者緡錢五千高得一尉下乃助教極矣為之說者曰帝賈之子孫不可揭而加之於民上此為說者之過也天下無賴之民游中不業計窮力盡者皆起而為兵

能犯矢石致頭首有一日之勞則紆朱懷金
美爵厚廩往而加之民上者皆是也何獨
至於民而疑之天下之民不幸而陷於盜賊
白日殺人而奪之財亦可棄矣甚者竄山林
晨夜聚嘯州里為之搖動其中有一人焉造
利而自言則賞千金而命之官未始疑也則
天商賈之孫雖其顛則賤矧未至於盜賊者
哉臣請為賣爵如漢故事惟勿為郎而已其
餘皆可易之以它秩得北朝籍與京師官率

能入粟於邊滿三萬石者為之等級以授事
定而止不過假百人粟可充也昔武帝用晁
錯議卒弱包奴乃臣區區之意竊在此

陛下幸聽焉則其詳有司可得而講也何謂
之地夫四夷之與中國其土地風俗剛柔險
易之不同猶之城中之與山林並得其宜各
便其欲未嘗同也百陌之地皆阻山負海遠
者去王畿數千里一隅有故不得已而
應就其近者調之則兵必不足以用欲置大

軍則病道里之遠者尾衝決倉卒不救設或
遂能致之具土地風俗皆非國之所習知萃
百萬之衆而頓絕徼之下欲深入不可欲致
敵不能譬之逐兔叢林遇穴而失則良驚逸
足猶翱翔傍徨雖巧而無所効其理然也東
南西南群夷皆絕遠致險論其近而與中國
比者則莫若北胡古者苑胡則本非與中國
近且比也踰塞而北至於寒露遠野人跡所
不至者乃稍：屯聚蓋李牧破林胡雖斥地

千里而胡不能吞自漢至唐迄於五代始侵
尋曼衍寢有中國之地自王畿而言則曰
溝之南千里而近耳置驛十數則舉朔漢之
事十日而傳之可聞城郭邑居漢也耕已作
業漢也文書約束漢也營陣行伍漢也舉山
前後之地而言之無為而非漢者臣嘗披圖
而觀起白溝趨燕城二百里而止居庸曹王
大安忝谷崆峒之山環抱如箕而燕城峙其
中自白溝而北衆山而南燕城之四隅在箕

中者其地如掌由燕城之三隅東西與北衆山之塞川關要害遠者不過四百里近乃二百里而止山非不可陟也水非不可涉也土地風氣水泉百物之產又非中國之所不習也徒可徒騎可騎車可車何動而不可圖正可正音可奇依可伏何動而不如欲顧為陛下將者如何耳何謂明問天書生之論以謂仁義之兵無術而自勝此臣讀孫子至所謂賞莫厚於間事莫密於間非聖智不能用

間非仁義不能使間非微妙不能得間之實臣始不信今乃知之夫使仁義之兵無術而自勝則敵衆我寡亦勝敵疆我弱亦勝敵實我虛亦勝敵逸我勞亦勝敵有備我無備亦勝而聖人者何事乎教民七年而後即戎而其曰不教民戰是謂棄之者又何用也夫仁義王者所以無敵於天下不得已而棄焉兵可去而去仁義則不安至於不得已而用兵仁義非可忘而所謂權焉者蓋聖人亦多有

之而未嘗去也。孫武無王佐之才，而其言有
用於王者之事，間非平日之所宜先也。故非
聖智不能用，非仁義不能使，非微妙不能得。
其實如此而已。聖君參之以獲夷狄之心，賢
將持之以制三軍之命，士卒獲之以幸封侯
之賞，夷狄取之則四境不能以是，一日而安
其理然也。秦得由余而八國，賓燕入秦，開而
東，胡破漢，厚關氏而冒損，解唐語突利而韻
利，疑此中國之以間勝夷狄者也。韓王信在

胡而匈奴入太原，盧縮在胡而包奴入上谷。
中行說在胡而漢不得美幣，市匈奴以至於
唐突厥，以萬榮倚子而寇瀛州，回紇以僕固
懷恩而入涇陽，此夷狄之以間勝中國者也。
自昔兵家之用間者，一勝一負，不可得而數
姑以中國夷狄之制勝負者言之，在中國則
夷狄憂在夷狄，則中國病，此其理易知。而其
事難成，不可不察也。今臣以北胡之勢言之，
山前後之民大槩皆思漢并汾之事，王師在

燕有謀執其帥而降者誠能得張良陳平不
愛千金以致內應猶反掌耳唐周鼎失沙州
州人胡服而臣虜歲時祝父母衣中國之服
號慟而藏之河廣武梁故時城郭未隳龍支
城耆老見唐使者拜且泣曰頃從軍沒於此
朝廷尚念之乎臣讀史書至此則慨然知燕
之地士大夫之子孫宜有葬憤不辱飲氣南
首而望王師者徒患無以葬之耳以契丹之
舊法言之其得漢人皆僕妾投之仕宦而顯
者歸見其主如舊禮殺漢人而以牛馬償之
弗誅也迨蕭氏乃始徙漢人益北居而以契
丹奚渤海之民雜處幽薊殺漢人者如殺人
之罪自以謂漢人之子孫可懷矣然臣度之
燕之人皆謹厚朴茂世漢種也終不能替而
胡白溝新城崎立而相望漢之俗良美也不
幸而子孫世為虜痿人不忘起盲者不忘
視勢不可矣天下誠不乏張良陳平之智不
愛千金伏社之神靈所麾前移所指前死

五聞俱起莫知其道是謂神紀累幽薊之城
百日而平使彼粟實可因而食使彼粟虛可
因而墟也地可知間可明夫然後合三軍之
士而表其技且勇者此之謂選鋒越有君子
五千人秦之閑士倍於晉君此皆選鋒也凡
兵尚義而保氣義之所勝愚可明氣之所加
柔可彊人之情非有鈍利之殊也顧上所
以表之者何如而已一夫當死市祖禡而不
呼則千人為之失色童子按劍而先登則七

尺之丈夫全軀保妻子者猶為之却也然則
人之情豈固難知也哉前有大壑臨之則魄
墮而懼狼顧却踵則身在平地夫誰肯舉足而
蹈其危使為士卒者知有死之榮無生之辱
夫然後顧平地不為安蹈大壑不為惧則攻
何患堅城戰何患堅陣哉吳起臨陣有一夫
不勝其勇遽前取首而還吳起曰雖勇非
吾法也斬之吐蕃逼奉天渾瑊進單騎馳之
扶虜一將躍而出一軍皆謀臣以為若此者

皆可賞勿誅而吳起反之此用兵之過也鋒
可選然而不校長短則臣以為兵不可以交
何則天下皆以北胡為善用兵而臣獨計胡
非能出奇合變循環無窮也顧其長在騎射
而已自圖志言之多馬之地半出於胡而其
能挽弓騎射蓋亦天性使然趙武靈王變服
從胡騎射而由是以取中山此其為策之得
者非其以所長制其長武冒楨控絃百萬白
登之圖駢驪驪白各以其方之色自古以馬

戰未有如此之盛者也漢武帝中年銳意馬
備阡陌之間盛或成群比戰數勝匈奴罷極
矣而其後亦以馬必不能復出則度漢之能
以其長禦匈奴亦在騎不在徒明矣唐薛延
陀不知以所長抗中國而自恃其數以徒勝
執馬者既收而徒不能復為卒以取敗胡人
自是益自知其短於徒而中國亦暴其所長
而術制之比者朝廷置騎射又教民蓄馬意
良而法美矣而或者民之馬雖蕃而未教故

臣以謂置義勇置保甲則民馬皆可以假而習夫馬生其水土則人心可知然而教訓之不安以之當胡馬之新羈朝夕馳騁乎荆棘斥澤之地体安而心調者恐非教也

陛下誠用臣說則義勇保甲之籍於民者方其教時皆使之習騎不足則更借之乎民馬嘗入而籍諸官者番假之則民力不勞而馬不病不過三年天下皆可用之馬以是軍則漢之戰何以易此雖然猶有所需者則

外助而已自昔為國未嘗不以夷狄制夷狄其說以謂海濱之蚌鷓兩自斃而後人能并得之匈奴方病漢而烏孫昆彌亦自以不得與中國通漢籍為孫撫諸夷以孤匈奴之外援校尉常惠護五將軍兵擊胡而昆彌常力戰為漢軍鋒所殺適當匈奴遂虛於是下令攻其北烏相入其東烏孫擊其西而匈奴折其兵友三敵國以南與漢爭一旦之命卒以因弱至於裂五單于昆彌與有助也臣嘗

譬之鄉邑之小盜三人而為軍則百不得以
力擒一人焉爭財而不平則二人者不制而
自弊何則其素相知者審也 陛下南面負
宸冠帶而朝百夷四海之內入荒之外心有
所懷唯上之所命延者高麗折於胡不敢越
遼而西以効其一日之力於中國 陛下能
撫之至絕海蹈越綿數千里而入貢 闕廷
陛下嘉納遣使報聘增美於 祖宗之禮臣
聞之其國見使者至皆歡喜擁道自慶未始

獲也彼其折於胡久矣宜有以逞其志如烏
孫昆彌者而臣未敢言焉凡此數者 陛下
得一重臣而委之與在廷一二之士嘗得預
聞腹心者皆可以使之雜而議然後臣之策
庶幾乎可效也兵既定石氏之故地已復臣
請謹封疆嚴斥侯戒邊吏無得以非中國之
地而利絲毫以為功且示 聖人以天下為
度而致誠信以結之虜雖失燕知其本中國
之舊而不以為吝中國亦與之講好修聘權

猶昔時可使如伯氏之奪邑沒齒而無怨言
此百世之計也臣身未嘗為吏則凡國中之
議是非利害不知其果何從姑以臣深恩所
得葬於畎畝憤排之忠而不能以自揜者獻
之 闕下 陛下好問如虞舜亦幸擇焉韓
愈曰凡此蔡功惟斷乃成故臣至此猶願致
其愚者則曰必行而已以臣之幼而學壯而
欲行之心而又幸出於 聖人之世三代之
時以戴非常之治沐無窮之休褒衣博帶學

古人之事而名諸生之列每聞 陛下德音
雖在市井草莽欣喜自幸如第五倫其願伸
喙道說以求補於萬一者豈特此書之所
叙而已然臣竊以謂禮樂為大而必其所先
舉者已定天下晏然 後禮不制備樂不作
而洽區區之愚蓋在於此臣身賤跡外其學
甚野輒敢不避鈇質之誅而冒言其所不當
預之事懷不能忍憤排自致無異於傳之所
謂怒龜而幸人君之一式 陛下揭日月之

光而鄩屋之幽得以容則臣踈遠之言庶幾
乎可採而無罪若乃安畎畝之賤而不知
聖人之世三代之時非常之治無窮之休親
達之會為難遭則臣之俵々不出門庭其失
時亦極矣伏惟 陛下萬機之閑一留神聽
焉天下幸甚天下幸甚無任俯伏待 詔激
切之至臣補之誠懼誠恐謹昧死再拜

濟北晁先生鷄肋集卷第二十四

濟北晁先生鷄肋集卷第二十五

上皇帝安南罪言

臣補之昧死言臣聞杜牧曰國家大事牧不
當言實言之有罪則自以其書為罪言安南
之舉賤臣輕言之亦罪也夫仁懷義率智謀
信結而出之以勇闐然而鼓堂然而陣身被
堅執銳奮臂大呼以先三軍使三軍之士進
旅退旅如驅群羊如視嬰兒與之往與之來
莫知所之若是者臣不能布策挾龜迎日計

月望雲占風觀星候氣雪聲雨沐虹岳霧橫
暈耳光怪背建向破彼孤擊虛六窮三刑生
王囚死以察害凶以明利吉使三軍之七逆
之以止順之以行不厭不疑至死無所災若
是者臣不能畫地聚未相險度夷左青右白
前烏後龜無當天牢無處龍首高陵知逆背
丘知向林木之隰葭蔣之陂一迂一直一亟
一遲使三軍之士所由以入所從以歸交挂
圯絕不失地宜若是者臣不能馳一象之車

掉三寸之舌不中不兵以行賊營曉以禍福
諭以利害使賊交臂受事屈膝請和可以無
戰而屈人之兵若是者臣不能深溝高壘清
野以待示以所害欲戰不可三時務農一時
習武百姓家給人足雞犬相聞使賊不敢南
下而獵於崩東出而渙於海徹閑棄傳內外
為一若是者臣不能臣肩不能之才五且必
孤不幸墜在荆棘泥塗之中荒楚幽穢不得
預聞下士之議而私慕庶人所以傳語者是

以不勝大馬心願效一言雖然凡所言者亦
非曰能之持其理勢之然否可道者也自交
趾犯順侵軼郡縣溪嶺騷然檄書日聞
陛下仁愛遠民若保赤子憂勤宵旰思所以
禁止安集者臣雖不備行列有目有趾莫非
王臣故忘其怯懦以自試鉄鉞之誅謹叅
古驗今先論其所宜勝與所為未可取者而
次條愚計於後以備執事者擇焉傳曰不先
時而起不後時而縮又曰敵加於己不浹已

而應之謂之應兵、應者勝 陛下以父道
育四國四國所宜歡欣咸以子來而交趾不
道乃千大順 陛下謀於心謀於卿士以逮
庶民設壇受鉞應而討之兵應者勝此其理
勢必勝一也兵起之初五管莫備賊至城下
市合不知而邕州刺史蘇緘家世儒者不識
金革汗馬之勞卒遇天變乃能奮不顧身閉
城乘壘連鬪宛轉以嬰賊鋒兵敗不屈血染
砧凡妻子女婦駢頭為戮將吏偕死者至數

十人遠近聳動爭欲伏節前驅者此其理勢
必勝二也 陛下即位以來精意武備設監
置官以薰軍器金鉄皮革筋韃膠漆精良百
選刀稍矛槍戟楯蔽櫓矢弩曹鎧鼓旗笳角
凡軍之須一切素具北益黃河之水以滿隋
渠南盡豫章之水以為舡一舡所載當中國
車數十量舳艫相銜以濟南師此其理勢必
勝三也交趾之地不過中國一大郡叫呼跳
梁不足以越千里疲弊空窶不足以支數歲

陛下神武天旋雷動莫不蠢然况此小寇制
之得術損五管一城足以當賊有餘何至吮
吮以煩執事者今析中國之衆五一以代之
如舉岱山壓烏卵此其理勢必勝四也

陛下謀臣計士布列中外遠一事命一將皆試
可乃遣而比歲更武舉之科親延於廷諏以
計策天下小兒孺子莫不踴躍憤排爭試劍
馳馬指畫論議以希功名其作新振起亦勇
氣百倍矣交趾徼外小國其人腥臊雜處非

素知兵能出奇合變也乍聚乍散非有常性
鈇掠奪擊與邊人爭一旦之命此如攫鳥逸
獸雖角牙爪觜輕利足奮而不知人能以機
械罔罟獲之此其理勢必勝五也雖然勝可
万全而有未可取者此事之情不可不察也
陛下方拓西疆指圖授筭以取熙河六城如
探懷中物虜逃遁不敢窺境上將徂近功士
飽新賞帶甲十萬乘勝南指有輕交趾心臣
以謂姑無謂交趾小蜂蠆有毒不可忽也傳

曰鳥窮則喙獸窮則搏人窮則詐昔魯人與
邾人戰魯卑邾不設備而禦之邾人敗魯使
我軍不知密此交趾示弱以堅我之追其窮
使姦謀得恃此其理勢或未可取一也中國
陰陽之中土氣和適其生物如之故極寒甚
熱皆是傷病百越之地以陰多陽其人䟽理
鳥首希毛故性能暑三月五月春草黃茅嵐
霧瘴氣上炎下潦颶風之所扇鼓且上多毒
蟲蚺蛇沙虱過而踣者猶十三四焉今以舉

大軍宿之其間久而不召疆者病弱者死奚
暇爭功利哉此其理勢或未可取二也古者
興師十萬日費千金故軍無輜重則云無委
積則亡無糧食則亡臣請以漢賈捐之所論
羌軍質之暴師曾未一年兵出不踰千里費
四十餘大司農錢盡乃以少府錢續之今交
趾之遠非特荒軍也且輟畿內禁卒及調河
北京東戍兵五六萬以代之倍道兼行三月
而後至以臣計之人日糒二升則五萬人之

費曰千石也行三月日千石舍未畢陳未定
而十萬石之粟去矣使其淹回未有成績其
為費可勝言哉孫子曰智將務食於敵食敵
一鍾當吾二十鍾慈矜一石當吾二十石此
計平地千里之法也今以京師直交趾吾倍
而言之則何啻二十鍾二十石而後可以當
賊之一矧其俗又非專以五穀為養也禾實
草根魚鼈蚌蜃之為舖且其土所出足以給
其人安坐而待我若此雖十年不病闕食也

傳曰粟不如勿與持久持久非遠行之利此其理勢或未可取三也平陸之軍習於車攻闕於騎鬪蹈蹂厚士大步疾走左旋右折出入往來蕩：坦：不可障阨而以之人於東南之幽前則重山後則複溪左則大阜右則深谷積石叢篠車以摧輪馬以敗蹄擇土計地若不容足縱行則絕首尾衡行則絕兩翼往不知所如來不知所返而賊生死其地其人如猿狖下上坂險筋力百倍於華人倏

起忽止遠去已至從之如搏景不可得也傳曰不用鄉導不能得地利地利者兵之助故孟子所記亦先地利而後天時而將士非素知此其理勢或未可取四也畿內禁卒固天下村之選賞罰素信約束素明拳勇亦當百矣然臣竊計之設此營而擇或取左遺右或取右遺左參差不齊聚為一軍則必非同巷長非並舍賚賜不偕受調發不俱行雖一之以旗鼓畫戰目不能以相識夜戰聲不能以

相知則臨事難濟而河北京東之卒又半雜
新軍尪孱貧窶不任田畝徒博飲酒計窮力
盡之人乃起而為兵一旦遂驅之戰不惟不
足勝戈甲為病而其往也皆有戚：羈旅之
懷夫戰勇氣也氣不盈不可必勝此其理勢
或未可取五也凡此較然易見雖五尺童子
能道之而臣所以獨不自己區：為國私憂
過計者非以交趾果能為足拇病也以謂遠
勞王師戰久不決則事將不能無弊不可不

察也夫

趾實古揚州之南境自三代盛時

列荒服之外不及以政秦并天下畧定揚粵
以譖戍守五嶺與越雜處以至漢而任囂尉
陀亦數以其地叛當是時有閩越東越南越
東甌西甌謂之百越交趾百越之徼也其國
雖洛陽南萬一千里人皆雕題文身項髻徒
跣俗相習以鼻飲父子男女同川而浴今其
地負海倚山阻險僻迂師行之道可以為止
為奇為伏者非特一途而已也蓋漢初遣王

恢韓安國擊越亦一出豫章一出會稽時唐
蒙亦使越人食蒙以蜀枸醬蒙歸因又上
書通夜即浮船牂柯以出越人不意其後路
博德為伏波將軍出桂陽下湟水按圖湟水
蓋出於連州楊僕為樓船將軍出豫章下漢
浦按圖漢浦蓋出於廣州故歸義越侯二人
為戈舡下瀨將軍出零陵下灘水按圖灘水
蓋出於桂州馳義侯葬巴蜀罪人下牂柯牂
柯即唐蒙所通道起夜即者也於是五將軍

咸會越人或降或亡南越平為九郡至建
武中交趾女子側二叛焉援將平之援始自
合浦緣海而行隨山刊道蓋千餘里如浪泊
禁溪無功居風下雋壺頭之路凡圖記可見
往、援所行也今其計謀所長不可得而知
所可知者其出入往來死生之地髣髴具在
師行所從不可不察也臣又以今言之居後
踵前固不必皆出前人之舊而其大槩瀕湖
以南要害之地朝廷因以分屯迭進至於

明越餘杭海上諸郡肩海無障塞中國所素
不虞者臣願亦粗修守禦備游寇凡此非特
以待交趾而已臣又以今料之使賊能為狂
計固不出於三若外有合交據閩守隘以老
我師我損兵絕徼之下曠日遲久欲戰不可
引去則賊又復至回軍轉陣返而赴之賊又
入保如初如是數年則邊人未有息肩之期
此計上也若開閩關戶誤我以利誑我以弱
設計誘我且戰且却我易而不戒乃亟入之

以墮賊計中賊度我歸遠以奇兵斷後我
進無所得欲退不能此計中也若棄閩不守
鼓行出隘唐突侵軼疾戰自快輕勇悍亟分
散四擊大則劫城小則掠屯其入吾之地恐
不深其爭吾之利恐不及我王彼客彼輕我
重我衆彼寡雖疆可虜此計下也賊出上
計利在賊出中計利害半出下計魚爛亡矣
臣又以今料之賊必不能出上計何則海外
遠國固非交趾之弱所能恃雖近有群獠又

非固為交趾役也况敢侮王國乎意者輔車相依唇亡齒寒有不自寒之心今臣姑置遠者而不論：群獠之近者則亦不可無所以待之今見朝廷舉大兵欲滅交趾彼其中能無介然疑似之心哉臣獨計以謂誠能擇使者如酈食其司馬相如陸賈班超等輩泉驛持節以寬大鎮之告以朝廷誅叛逆賊即伏行罷兵矣能從中國討賊及反間致頭首者計所得以賞以身從者賞以身以家從

者祿以家以鄉從者封以鄉以縣從者候以縣縱不能悉從可以少定其志則是不戰而賊之形已窘矣臣又料之賊無他助其計不能悉用或者有參上計而雜中計參上計據關守隘以老我師我雖衆無所用之請以大軍當其衝虛張形勢以疑賊而陰擇精兵為三四間道絕徑或薄其左或突其右設奇取之兵法所謂攻其所不守也昔蜀姜維拒劍閣鄧文乃潛自陰平行無人之地七百里鑿

山通道崎嶇險絕以羶自聚轉而下士卒皆緣崖攀木魚貫而進卒降劉禪此設奇者也雜中計開關闢戶以誘致我之雖衆亦無必入請留大軍屯後而以驍銳佯從之輕足利兵以為前行分屯斫隊伏於兩旁勿薄勿迫遠而挑之偶勝無追不勝疾歸弃金遺鼓拔衆以馳賊貪吾獲可邀於阨卒前遇伏兵其衆覆兵法所謂引而去之令敵人半出而擊之利者也昔北戎侵鄭公子突曰使勇而無剛者嘗寇而速去之君為三覆以待之戎勝不相催敗不相救先者見獲必務進而遇覆必速奔從之遂破戎師此設伏者也賊出上中而不利將悉衆偕出以徼幸於其下計是固中國之利也請尅日而取之昔魏祖伐關中賊每一部至魏祖輒喜破賊諸將問其故魏祖曰關中道遠賊若依險阻征之不一二年不可下也合皆來集衆雖多軍無遠至一舉可滅諸將皆服語曰連雞不俱棲

可離而解賊衆之謂也此三說者譬之九不能出於盤其大槩如此然兵無常數故隨所動而應之前必有減竈之說而后繼之者得以起添竈之智顧為陛下將者何如耳賊出下計而又不利將大走遠遁亡海絕道以保窟穴臣請按甲勿從或曰按甲勿從何以立威於天下曩士卒所以犯晨夜冒白刃者懼不勝使幸勝柰何幾舉而棄之且賊窘窮無所知此如西鼠鬪穴中將勇者勝臣則以

謂不然西鼠穴中將內鼠勝且欲搏賊於大海之間其勢必與之相從於舟楫夫使吾三晉齊魯之人失夷曠而為棲舡鬪艦浮之狂瀾之中平居無事日亂心悸而况乘以倉猝微風搖檣一夫蕩櫓戒衆駭矣又何暇與之校疆弱勝負哉蓋前世語水戰以謂越人能入水負舟而杜牧所傳鄭年者能沒海履其地有五十里不噎今海上賈人亦往一遇水寇鑿舟沉焉此其非中國所用以取勝故也

故臣請按甲勿從而更設策修備以待之且
陛下富有天下地漸日月之窟府籠山海之
藏非以交趾羸陞安足苟扁靡零曲陽比帶
稽徐西干龍編朱鳶封溪望海卑俶不毛方
尺園寸之地為足有也又非以交趾生犀馴
象古具文螺琥珀翡翠鼈皮鮫革焦紵桂蠹
詎竒不法彈瑣極細之物為足宝也不得已
而問其罪足以威懾小寇使之悔過効順歸
命中國而已賊既定臣請循古更選仁厚勇

略堪任將帥者以為五管諸州刺史太守以
歲月鎮撫其民而因其家之可任者置土兵
如保甲以時教習土兵之外乃募游軍而就
擇將吏其地平居無事謹養而善別之以周
知其心有故王臣失勢欲復見其功者聚為
一卒有死事之人昆弟欲為之執仇者聚為
一卒有貧窮忿怒將快其志者聚為一卒有
故贅壻人虜欲昭迹揚名者聚為一卒有故
胥靡負犯之人欲逃其耻者聚為一卒加賜

而時慰焉使之居其地服其俗安其水土便
其械用因其糧食得以無煩執事而坐制其
弊乃可以得志此百世之計也臣身非安南
將吏民庶又不親與交趾接也安能周知其
虛實短長利害所在曰今日出某道取某地
明日出某道取某集某道可以為正某道可
以為奇某道可以為伏意者其大槩理勢之
所在故臣得以臆計胞度而妄議焉若夫知
已知彼每舉不殆與敵變化循環無窮提軍
挈衆動於九天之上此則大將軍之任非臣
所得而前知也臣愚竦外不知事體昧死陳
愚計臣謹

四





